



## 176 fundur stjórnar SSV

Fundur haldinn í stjórn SSV, miðvikudaginn 23 ágúst kl.14.00 í Borgarnesi.

Mætt voru; Guðveig Eyglóardóttir, Sigurður Guðmundsson og Elín Gunnarsdóttir. Á Teams voru; Líf Lárusdóttir, Ragnar Sæmundsson, Eyjólfur Ingvi Bjarnason, Jakob B. Jakobsson, Jósef Kjartansson, Sigurbjörg Ottesen. Guðný Elíasdóttir og Júníana Óttarsdóttir boðuðu forföll. Auk þess sat Páll S. Brynjarsson fundinn og ritaði fundargerð.

Guðveig Eyglóardóttir, formaður SSV, setti fund kl.14.00

### 1. Fundargerð frá 175 fundi stjórnar SSV

Formaður lagði fram fundargerð frá 175 fundi stjórnar SSV til staðfestingar. Stjórn staðfesti fundargerðina.

### 2. Öldrunarþjónusta á Vesturlandi

Rætt um verkefni félags- og vinnumálaráðuneytisins og heilbrigðisráðuneytisins, „Förum alla leið – samþætt þjónusta í heimahúsum“. Stjórn SSV samþykkti að senda inn umsókn í verkefnið og bókaði eftirfarandi „Með hliðsjón af umræðu á opnum fundi á vegum SSV um samþættingu öldrunarþjónustu með fulltrúum sveitarfélaga og öðrum aðilum sem þjónusta eldri borgara á Vesturlandi, sem fram fór 14. ágúst s.l. samþykkir stjórn eftirfarandi. Stjórn SSV samþykkir að fela framkvæmdastjóra í samráði við vinnuhóp SSV um eflingu öldrunarþjónustu að senda inn umsókn í verkefnið „Förum alla leið – samþætt þjónusta í heimahúsum“.

### 3. Velferðarþjónusta á Vesturlandi

SSV barst erindi frá Sambandi íslenskra sveitarfélaga þar sem óskað var eftir umsögn SSV um svæðisbundið samstarf sveitarfélaga um farsæld barna sbr. 5 gr. laga um farsæld barna. Vegna þessa stóð SSV fyrir fundi með fulltrúum sveitarfélaganna á Vesturlandi mánudaginn 14 ágúst s.l um farsæld barna og fleiri velferðarmál á Vesturlandi. Með hliðsjón af umræðu fundarins samþykkir stjórn SSV að leggja til að Vesturland verði sérstakt samstarfssvæði fyrir samstarf sveitarfélaga um farsæld barns.

Stjórn samþykkti einnig að fela framkvæmdastjóra að leggja fram tillögu að stofnun vinnuhóps til að kanna grundvöll fyrir frekara samstarfi á Vesturlandi um velferðarmál.

### 4. Úttekt á grundvelli fyrir auknu samstarfi í velferðarmálum á Vesturlandi

Framlögð kynning frá KPMG á verkefnistillögu sem snýr að því að kanna grundvöll fyrir auknu samstarfi og mögulega sameiginlegri þjónustu við börn og fjölskyldur á Vesturlandi. Markmið verkefnisins væri að greina núverandi stöðu, áskoranir og tækifæri í kjölfar lagabreytinga á barnaverndarþjónustu og fyrirhuguðum breytingum á skólþjónustu. Stjórn samþykkt að fela framkvæmdastjóra að kynna tillöguna fyrir sveitarfélögunum á Vesturlandi.

## **5. Eiginfjárstaða SSV**

Lagt fram minnisblað frá KPMG um eiginfjárstöðu SSV.

## **6. Samgöngumál**

Rætt um umsögn SSV um drög að Samgönguáætlun 2024-2038 og eftirfylgni með henni. Stjórn samþykkti eftirfarandi bókun. „ Stjórn SSV lýsir yfir mikilli óánægju með tillögu að samgönguáætlun fyrir árin 2024-2038 eins og kemur skýrt fram í umsögn samtakanna sem send hefur verið í samráðsgátt stjórnvalda. Stjórn er sérstaklega ósátt við framkvæmdaáætlun næstu 5 ára. Vegna þessa samþykkir stjórn að fela framkvæmdastjóra að óska eftir fundi með framkvæmdastjóra Vegagerðarinnar og boða þingmenn Norðvestur-kjördæmis til fundar.“

## **7. Sjálfbær atvinnuþróun á Vesturlandi**

Lagt fram tilboð frá KPMG í vinnu við áhersluverkefni Sóknaráætlunar Vesturlands um sjálfbæra atvinnuþróun á Vesturlandi. Framkvæmdastjóra falið að óska eftir endurskoðuð tilboði frá KPMG.

## **8. Skipulags- og byggingarmál**

Lagt fram minnisblað um þjónustu sveitarfélaga á Vesturlandi varðandi skipulags- og byggingarmál. Framkvæmdastjóra falið að kynna minnisblaðið fyrir sveitarfélögunum á Vesturlandi.

## **9. Brunavarnir og starfsemi slökkviliða á Vesturlandi**

Lagt fram minnisblað um starf vinnuhóps um málefni slökkviliða á Vesturlandi.

## **10. Sameiningar sveitarfélaga**

Rætt um fyrirhugaða ráðstefnu um sameiningar sveitarfélaga. Framkvæmdastjóra falið að hefja undirbúning að ráðstefnunni og að hún fari fram síðari hluta októbermánaðar 2023.

## **11. Haustþing SSV 2023**

Lögð fram drög að dagskrá fyrir þingið, auk þess sem rætt var um vinnu við ályktanir og áætlanir. Stjórn samþykkti fyrirbyggjandi drög að dagskrá. Auk þess sem samþykkt var að fjölga vinnuhópum sem starfa fyrir og á þinginu sem fer fram í Reykholti 4 október s.k.

## **12. Fræðsluferð til Skotlands**

Lögð fram dagskrá fyrir fræðsluferð sveitarstjórnarfólks til Skotlands sem farin verður dagana 28 ágúst til 1 september n.k.

### **13. Úthlutun styrkja úr Landsáætlun**

Rætt um úthlutun styrkja úr landsáætlun til uppbyggingar innviða í þjóðgörðum og friðlýstum svæðum. Aðeins 4% af þeim 908 milljónum sem var úthlutað fer til Vesturlands. Stjórn samþykkti eftirfarandi bókun. „Stjórn SSV lýsir yfir áhyggjum sínum af skiptingu fjármagns á milli landshluta í úthlutun landsáætlunar til uppbyggingar innviða og náttúrverndar á ferðamannastöðum. Framkvæmdastjóra er falið að afla upplýsinga um hvernig staðið er að úthlutun og hver ber ábyrgð á umsóknum fyrir Vesturland.“

### **14. Starfsmannamál**

Rætt um starfsmannamál

### **15. Framlögð mál**

- Fundargerð 96 fundar stjórnar SSV
- Fundargerð 537 fundar stjórnar SASS
- Fundargerð frá stjórn Sambands íslenskra sveitarfélaga

Fundi slitið kl.15.20